



DEO OPTIMO MAX.

UNI ET TRINO,

VIRGINI DEI - PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS

*manè discutienda in Scholis Medicorum, die Martis quintâ,
mensis Martii, anno Domini M. DCC. XLIII.*

M. LUDOVICO - MARIA POUSSE,
Doctore Medico, Præside.

An VERSALIARUM salutaris aër?

I.



ANITAS felicissima fors, quâ nihil homini prestantius, nihil expetendum magis. Quid enim? Cæca tibi ridens vultu fortuna sereno immensas largitur opes? Sanitatem natura negat? Injucundè vivis, miser es. Sanitas sola dicitur felicitis tempora vitæ. Illam qui nactus est cæteris naturæ donis lætus fruitur, egregiis animæ corporisque dotibus excellit, utriusque functiones obit integerrimè. Primum est juris naturalis principium nulli non ingenuum, supra cujus sensum nullus est sensus. Ipâ sub HIGIÆ & SALUTIS nominibus templa dedicare, aras consecrare, vota solvere tanquam potentissimo Numini genes olim pro religione habuerunt*. Sola Medicinæ finis est. Non ergo vivit miserè qui vivit medicè: nequè enim severis

* Voyez la Dissertation de M. Gros de Boze sur le culte que les anciens ont rendu à la Déesse SALUS.

2

obligat Medicina legibus, at quæ in sex rerum nonnaturalium * usu, singulis, pro ætate, temperamento, regione, anni tempestate accommodatiora, quæ jucundiora docendo, ita sanitati consulti, ut hanc conservare, morbos præcavere, vitamque suavem in multis protendere annos præstantissimum sit Medici officium. Inter cætera, quæ ad tam beatum finem assequendum conducunt, non est pluribus impart AER, cujus tanta est omnibus animalibus necessitas, ut abique illius commercio ne minimam quidem percipiant vitæ usutam. Nullum in tot generationum specibus memorabis, quod perenni Aëris communione non gaudet, sive perfectum vocare, sive imperfectum animal placuerit. Ipsa etiam vegetabilia, imo & mineralia per organa, quæ unicuique propria fabricavit alma Parens Natura, ad vitæ sui generis implenda munera aërem jugiter excipiunt. Horum germinationes & lætæ virescæntiæ, illorum actionis & functionis cujuscunque principium, utrorumque sanitatis aut morborum, vitæ vel necis fons est. Talis nempe vita qualis est Aër, prout vel bellè comparatus, vel vitiatas, corporis partes tam intenas quàm externas laudabiliter aut molestè afficit: sive enim pulmones subrat, sive totam corporis habitudinem comprimat, respirationi aut perspirationi famularurus, sive cum salivâ & alimentis deglutitus chylo immisceatur, sive alio quocumque modo communicetur, maxima profecto in his sunt ad sanitatem tuendam vel lædendam momenta.

I. I.

RESPIRATIO duplici & reciproca sic perficitur actione ut inspirationi succedente semper expiratione, assiduis & alternis vicibus aër pulmones influat, ab eisquè foras elidatur. Necessariam adeo reciprocationem sanguini refrigerando atquè condensando, non attenuando atquè servesciendo dicatam esse tradidit artis Medicæ Princeps HIPPOCRATES, summuque illi secretum. Naturam revelasse demonstrant Illustrissimi HELVETII inventa **. Cum enim inter bene multa, quibus Rem locupletavit Anatomicam Vir non minus in Medicinâ Theoreticâ peritus, quam in Praxi felix, derexisset ramos venosos pulmonares numero, & capacitate minores esse ramos arteriosos pulmonaribus, modo planè inverso ac in reliquis corporis partibus; tum attendendo cordis auriculam sinistram & ventriculum sinistram, quorum utrumque venis pulmonaribus respondet, polleæ capacitate minori ac auricula dextra & ventriculus dexter, quæ arteriis respondent; insuper sanguinis quantitatem, quæ ex dextrâ cordis parte in arteriis pulmonares transit eandem esse quæ in venas pulmonares, & ex his in partem cordis sinistram ingressura est; hinc concludendum sanguinem aliquam necessariò pati mutationem. Porro cum sanguis impulsione cordis, pulsibus arteriarum & pressione musculorum vehementissimè agiteur, vi novâ non opus est, ut acceleretur illius motus; hinc certissima oriretur in œconomia animalis dissolutio; sed moderamine indiget quo motus illius temperetur. Paratum autem sibi illud invenit in pulmone moderamen. Ibi aër frigidior aut minus calens sanguine provoluto æstum illius compescit, globulos adunat; hinc sanguis coactus molem acquirit ad hoc requisitam, ut intrâ datum tempus deferatur per venam pulmonarem ad sinistram cordis sinum eadem ipsius quantitas, quæ è dextro ventriculo in arteriam pulmonarem impulsâ fuit, absquè eo quod acceleretur velocitas sanguinis per ramos venosos pulmonares. . . Non minus quam Respiratio ab aëre plurimum pendet Perspiratio, quâ per hiantia minutissimorum tubulorum, tum ex miliaribus cutis glandulis nascentium, tum ex similibus glandulis in bronchia & trachæam desinentium ostia, tenuissimus humor tantâ copâ excernitur, ut omnes alias excretiones simul sumptas exsuperet. At quantum ad Respirationem, tantum ad fovendam Perspirationem confert aër cui æqualiter circumposito totum corpus innatat; quemadmodum vero ab illius functionis, hujusquè excretionis integritate laudabilis promoveretur sanguinis circuitus, præcavetur plethora, innumera morborum cohors arceatur, ita ex alterutrius tarditate rauceant, angine, catarrhi, tussis, asthma, phthises, hæmoptyses, pleuritides, peripneumoniæ, gravesines, rheumatismi, variæ arthritidis species, scorbutus, febres, hæcquè interdum mali moris, hydropes, strumæ, scrophuli, scabies, similesquè alii œconomiam animale perturbantes affectus generantur. . . Nec levem sanitati tutelam aut labem infert cum salivâ & alimentis deglutitus, aut per cutis externam corporis superficiem obvolvens, & trachææ, bronchiorum, vesicularumve pneumonicarum poros, aut per visus, olfactus, auditusque organa ad sanguinem appellens aër. Verbo variis quibus prædictus est modis, omnes ferè tribuendæ sunt, quæ in functionibus tam

* Dicitur res nonnaturalis. 1°. Aër. 2°. Cibus & Potus. 3°. Motus & Quies. 4°. Somnus & Vigilia. 5°. Excreta & retenta. 6°. Animi Perturbata, quia œconomie animalis naturam (compositionem scilicet) non ingrediuntur.

** DD. Joann. Claud. Adrian. Helvetius, Regi à Secretariis Consiliis, Regine Galliarum Archiat. Doct. Med. Par. Regique Scientiar. Acad. Soc. in Actis R. S. A. P. ann. 1718, & 1719. & in Opere singulari cui titulus *Eclaircissement concernant la manière dont l'air agit sur le sang dans les Poutmens.*

anima quam corporis sunt mutationes; hinc varia sunt variarum gentium temperamenta, mores varii.

I I I:

QUANDOQUIDEM tanta est aëris in Corpore Humano efficacia, palam fit quam bene Populorum saluti, felicitati conluerit quicumque in condendis Urbibus salutaris aëris respectum habuerunt. Talis fuit **LUDOVICI MAGNI** Providentia in seligendo sibi, successurisque Galliarum Imperatoribus ad habitandum **VERSALIARUM** solo. Pluribus commendabiles se præbent **VERSALÆ**, quibus innotescit aëris salubritas. Laudantur Urbes quæ solis nascentis radiis exposte ad Septentrionem leviter potius inclinant quam ad meridiem. Ille ipse est Regiæ Domus & Urbis **VERSALIARUM** positus. Collis mollior affurgit, illa quasi magistra, aliis ad justam & æqualem altitudinem justamque distantiam Monticulis, velut coronâ quâdam circumcincta, medio se conspiciendam facit loco; in ejus superatæ planitie tantum fuit spatii, quantum satis ad apparandum **REGI** Potentissimo & Magnificentiissimo Palatium, cui nullum aliud par, ut ipse sine patri. Diceret omnia artis & naturæ pretiosissima quæque ornamenta eo confluisse, seu Ædificiorum ordinem & modum, seu Conclavium elegantiam, multitudinem & commoditatem, seu Picturam, Sculpturam, operis musivi & vermiculati lepores & divitias expendere detur; in eo plus omnium generum marmoris reperias quam usquam alibi; auri incrustationes exterius si spectantium oculos movent ad illicium, interioris laquearium nobilissimæ & artificiosissimæ exornationes ad stuporem animum percellunt. Quid de auræ, argenti & quâvis non aliâ divite & pretiosissimâ suppellectile, antiqui & novi operis, dictum opus est? Quid de viridariis gratè ridentibus, in quibus Salientium aquarum mille lus: tantum istud est veri, ut, si Domus hæc suo fitu sit unice conspicua, cætera ad solum ita respondere videntur, ut **Maximo** & **Sapientissimo REGI** digna putaretur, ni ipse omni re esset superior. Positus iste Domus Regiæ nullo Monticulorum aut Viciniorum, aut Proceriorum objectu disturbatus, aërem purum, nullaque caliginosorum vaporum malignitate inquinatum excipit; & quamvis omnibus ex quo ventis obnoxius esse possit, Septentrionalis, aeris Scopas, & Orientales Saluberrimos potissimum admittit. Urbs autem incolarum multitudine & commœntium hominum crebritate conspicua, etsi in decliviori loco sedeat, haud abfimiles aëris laudabiles dotes experitur; undique cum sit perfrascibilis, nullas Occidentorum aut Meridionalium ventorum patitur lésiones: non ea est Monticulorum satis distitorum altitudo quæ illam faciat æstuosam, aut illam ponat in profundo; eodem ac Domus Regiæ ad Solem exorientem & ad Septentrionem fruitur aspectu, eodemque Salubritatis beneficio. Unus Colliculus **Montebauronius**, importunâ vicinâ, salutares istos solis nascentis radios commorari, aërisque puritati atque illustrationi, non tolerandâ superbiâ, obfistere par erat. At qualis erat Regis **Sapientissimi** solertia, quantum civium servandorum studium, illum velut læsæ valetudinis reum amputandum & capere minuendum esse decrevit, sic ut quo ipse majori aëris libertate uteretur, & quod cives salubrius degerent, nec montibus ipsi parcendum sibi esse existimaverit.

I V.

QUANTUM ad aëris Salubritatem conferant aquæ, quam miras proinde ad bonam valetudinem vires obtineant in dubium non revocaverit quisquis aquarum particulas solis calore in altum elevatas, continuâ ignis subterranæ actione sursum propulsas, ventis quâquâ verum diffusas, aëri maximâ copiam immisceri consideraverit. Laudabiles aquas non de suo duntaxat fundo, sed advectitias ubertim habent **VERSALÆ**, per tubulos primùm plumbeos, mox ad majorem Salubritatem per ferreas exagogas, & per aquæ ductus lapideos publicis fontibus alendis ad ductas, quarum ope fervor & siccitas emendetur. Aquarum copiam in viridariis nullus satis commemoraverit; diceret ex ipsius soli visceribus erumpere, quæ ex longinquo mitis artibus adveniunt. Sine arte ad Septentrionem læcus est insignis magnitudinis; is cum fontium non paucas in se habeat scaturigines, undam profert non stagnantem, non paludosam & terrâ **Mephibti** noxiam, sed errantem & in perpetuo motu positam, quæ si incolis ad potum non cedit, jumentis est innoxia; accedunt ad meridiem ex circumpositis Monticulis deciduæ in camporum plantarum aquæ non paucæ, ex quarum stagnatione paludosa olim & insalubris veteris pagi funditus deleti incolis habitatio esse poterat, sed quæ jam aquæ ductibus subterraneis exceptæ, aur, adloci amenitatem, in capacissimos alveos collectæ, multum utilitatis, jucunditatis non minus afferre queant; nam quæ hic uda aliâ, paludosa & nimio aquæ putrentis pectore insalubris loca, jam resiccata multam aëris corruptelæ occasionem præcipiunt, velut plurima per artem in viridariis aquarum copia ejus fervori & siccitati iniunçatur.

SALUTARIS aëris magnum idque certissimum est argumentum prospera incolarum va-
lerudo. Nulli sunt apud **VERSALIAS** morbi endemii, nulli epidemii; non ibi frequen-
tius se offerunt Medicorum diligentiae febres tertianae, ardentes, malignae, non sapientiae mor-
bi, non splenes magni & skirrhosi, non cachexia, non icorbus, non hyderus, non phthi-
sis, non calculus, non diarrhoea, non dysenteria, qui effectus ad aëris fervorem & corrupte-
lam, vel ad aquarum & soli praviratem solent esse consecutarii. Incolarum si robur, si colo-
rem elegantem, ac nitidum, si bonam corporis habitudinem, si longevitatem spectes, o-
mnia sanitatem loquentur. Alias dum ad superbi adeo Palatii, ad urbis ipsius structuram so-
lum ubique vertebatur, cum artificum sordidorum multitudine locus erat refectus, cum
nondum adductae salutares aquae, cum pluvius circum campus paludosus esset & fetore
gravis, cum rerum omnium ad alenda reficiendaque corpora conducibilium ea, quae jam
est, ibi non adesset annona, suavia libitina exercere poruit imperium, & urbis insalubris
futuræ suspicionem movere, nunc autem summi **LUDOVICI MAJESTATIS** providentiæ res eo
sunt deductæ, ut salubriter apud **VERSALIAS** ad senectutem remotissimam vita protenda-
tur; hinc est quod **REX MAXIMUS**, Regiaeque familia inculpatæ gaudeant valetudine,
quæ diuturna sit futura, votisque pro illius incolumitate, quæ **SALUS PUBLICA** * conti-
neretur, sua sint præmia. Spei favent laudabilis **VERSALIARUM** situs, temperata cæli
& soli constitutio, ex quibus potissimum pender aëris salubritas. Jure itaque concludimus.

* Plin. in Panegy. Trajan.

Ergo VERSALIARUM salutaris aër.

Proponebat Parisiis, **FRANCISCUS-SALESIUS-DANIEL**
POULLIN, Aurelianus, Doctor Medicus Monspelienfis, è Regiâ
Scientiarum Societate Monspeliensi, Saluberrimæ Facultatis Me-
dicinæ Parisiensis Baccalaureus, A. R. S. H. 1743. à sextâ ad
meridiem.

